



14

M V S Æ  
HOSPITALES  
WICCHAMICÆ

*K. Academiæ  
Oxford  
New College*

I N

ADVENTUM FLLV-  
strissimi Principis FREDERICI-  
VLRICI Primogeniti  
HENRICI IVLII,

Serenissimi Ducis Brunsvicensis,  
& Luneburgensis.

Exhibitæ Oxoniæ in Collegio Novo.  
die 6. Mensis Maij.

ANNO DOM. 1610.







MVSE HOSPITALES  
WICCHAMICE.



*N*ti qui prisco dictas de nomine terras  
Brunonis, patrij rura beata soli (nis  
Deserit Henrici Iuuenis de stirpe Leo-  
Editus, & tanti nomine dignus aui,  
Tangat ut Anglorum fines, & rura Britanna,  
Quâ Tamisis lætos lentus oberrat agros.  
Quis tibi, Guelphorum soboles clarissima, nostri  
Tantus erat, tanti causa laboris, amor?  
An quia, quæ, pulsas gens imperat alma Britannis  
Anglica, Germanis edita fertur aëis?  
An quod ab Henrici, genus, altâ stirpe Secundi,  
Nobile, de magno nate Leone trabas?  
An quia cognatis Otto suffultus ab Anglis  
Armato Suevas milite pressit opes?  
An quia communis Dano de germine sanguis  
Ad consanguinei Principis ora vocat?  
Quæ te cunq; tuis sors, hospes nobilis, oris  
Abstulit & nostris reddidit æqua locis:  
Ingredere auspicijs doctas fœlicibus arces  
Musarum, & studijs tecta sacrata pijs:  
A 2 Quodq;



## MVSE HOSPITALES

Quodq̃ unum tenues possunt dare munus *Athenæ*,  
Carmina placatà suscipe nostra manu.

Sic Schola, præsidij quæ fulta superbit auitis,  
Iulia successus sentiat usq̃ novos:

Sic reducem, post tot pelagi terræq̃ labores,  
Wolfenbutteliâ cernat in arce Pater.

---

NObilis ô Princeps, magni spes magna Parentis,  
Et iam Vicchamicæ gaudia facta domus,  
Qui facilis nostras dignaris adire Camænas,  
Hæc facili capias munera nostra manu.

Aula ostendet opes, pretiosaq̃ munera reges,  
Cedimus hîc victi, Principis Aula, tibi.

Solus amor nobis: Nudum præstamus Amorem:  
Non hîc nostra tibi cesserit, Aula, domus.

---

CUM modò mellifluo Vicecancellarius ore  
Excepit solito teq̃ tuosq̃ modo,

Lingua respondes simili; facundia Vlysis  
Emicuit verbis, Nestoreûmque decus.

Fælix terra parens, quæ talem iactat alumnum,  
Fælix quæ peperit, qui genuitq̃ Pater:

Fælix qui docuit, nec non Academia fælix,  
In qua perdidicit sic tua lingua loqui.

Ingenio,



WICCHAMICÆ.

Ingenio, Frederice, tuo gens Anglica gaudet:  
Ingenio patria est terra superba tuo.

TE dulcem patriam, charumq̃ relinquere patrem,  
Velle per ignotas ire, redire, vias,  
Non animi iuuenilis erat, sed nobilis illud  
Virtutis signum est, indiciumq̃ tuæ:  
Segnitiam probat hoc tibi non placuisse, nec undā  
Nec terrā externā te timuisse mori.  
O dignam prolem! dignum hæredemq̃ parentis!  
O dignum titulis, nomine, honore pari!

IN FREDERICVM VLRICVM cui è stem-  
mate paterno proauus *Henricus Bellicosus*, auus *Iulius Pa-*  
*cificus*, Pater *Henricus Iulius*, heros eloquentissimus Græ-  
cis Latinisque literis excultus, è stemmate materno auus *Fre-*  
*dericus secundus Rex Danie* auia *Sophia* illius vxor.

Patre Ducum soboles, materno sanguine Regum,  
Ingenio notum reddis vtrumq̃ genus.  
Quod sincera fides tibi sit, quod pagina sacra  
Cognita, Pacifici facta imitaris Aui:  
Artes quod sapias teneris maturius annis,  
Te *Sophiæ* prolem quilibet esse putet:  
Quod fortem *Martis* te spes promittat alumnum,  
Laus gentilitiæ est scilicet illa domus.

## MVSÆ HOSPITALES

*Te patrum virtus, patres tu, nobile germen,  
Laudas : sic illis præmia digna refers.*

---

**H**ENRICVS proauus Mauortis fortis in armis:  
Musis, Pacificus, tecta dicauit Auus :  
Henricum patrem Musæ coluere, suoque  
Suscepit docto docta Thalia sinu :  
Hinc tu Germanis spes optima nasceris ; in quo  
Maiorum virtus, totaq̃ fama viget.

---

**P**Andite nunc Helicon a mihi, si quando, Camænæ,  
Atq̃ intret pectus plenus Apollo meum :  
En patriæ, Princeps clarissimus, arua reliquit,  
Sustinuitque Ithacam deseruisse suam,  
Ut possit vestras, ô Musæ, inuisere sedes,  
Quas Tamisis tumidis nobilis ambit aquis.  
Dignus is in cuius laudes Helicon citetis,  
Quantumuis vestros nollet adire locos :  
Sustineat vestros sed cum subiisse Penates,  
Nimirum tanti victus amore loci ;  
Promeritis tantis, Ducis in præconia tanti,  
Laxanda est totis Pegasis vnda vadis.

---

**H**Æc tibi quæ surgunt numerosis tecta columnis,  
Wicchamum iactant quæ speciosa patrem,

(Quæq̃

# WICCHAMICÆ.

(Quæq; Lycæorum est\* geminorum splendida mater,  
Et pulchris natis pulchrior ipsa parens.)

Aspicienda tuis oculis expandimus ista  
Maxima, moxq; animo suspicienda tuo.

Ingredere & tantis succede Penatibus hospes:

Tecta æquum est tantum tanta subire ducem.

Iupiter & reliqui subiêre mapalia Diui:

Hæc maiestati consona tecta tuæ.

\* Funda  
res Colle  
Magdal.  
omnium  
nimarum  
huius co  
gij olim  
erunt.

ANglia visa tibi est visendi Principis ergo:

Cur? similis similem semper adire cupit.

Oxonium visum est, Musas ut visere posses:

Cur? similis similes semper adire cupit. (es:

Nam natus Princeps, Frederice, & natus Apollo

Aptus qui Laurum, qui diadema geras.

Et, si vana tui non coniectura futura est,

Tuq; canenda geres, tuq; gerenda canes.

Mars proavus tibi, Nestor avus, Frederice, fue-  
Estq; pater Cæsar, tu (puto) qualis eris? (runt,

TE mea musa parum (fateor) dux inclyte, laudat;  
Ignoscas: nescit te mea musa parum.

Ne



**N**E Sophiæ dotes mirare Britannia tantas,  
 Quæ lucent uno conspicienda viro:  
 Scilicet à Sophiâ clarum qui duxerit ortum,  
 Hæredem Sophiæ iam Fredericus agit.

**M**Aiores inter, quibus est iam fama superstes,  
 Belligeros numeras, Pacificosq; viros.  
 Hic non arma togæ: non hic toga cessarit armis:  
 Stemmata in hoc virtus utraq; summa fuit.  
 Hi tituli, Princeps, in te coalescere possint,  
 Belligeroq; simul, Pacificoq; viro.

**P**acificus promittit avus te pacis alumnum;  
 Belligerum proavus: Rhetoricumque pater:  
 Tu, Princeps, promittis & hæc, superaddis & hisce:  
 Sic tua promissis patria dives erit.

**S**plendida cum proavi memorantur bella, videtur  
 Henricus, Romæ Iulius esse mihi:

**N**arratur quoties Academia Iulia nobis,  
 Iulius, Augustus creditur esse mihi:

**C**um venit ad nostras Henricus Iulius aures,  
 Augustus nec non Iulius ille mihi est.

*Sic bello, sic pace tui valuere parentes :  
 Sic Marti, & musis incubuere pijs.  
 At qualis tu Marte, licet frons Martia prodat,  
 Hostibus hæc maneant experiunda tuis.  
 Nos docet in tenues pietas tua cognita Musas  
 Te dignum à docto plenius ore cani.*

---

*HENRICVS proavius bello concussit, & armis  
 Multos : hinc illi nomen & omen erat :  
 Iulius Henrico successit pace quietâ,  
 Musarumq; choro splendida tecta dedit ;  
 Ut sileant homines, tamen ipsa Academia, Iuli,  
 Te canet, à cuius nomine nomen habet :  
 His cum sis ortus, scio quòd pars magna paternæ  
 Virtutis latitet pectore clausa tuo.*

---

*REGIA progenies, materno stemmate sælix,  
 Et sælix clari nobilitate patris,  
 Laudat nobilitas, quæ cælum vertice tangit,  
 Te tua, tuq; tuos nobilitabis auos.  
 Inter auos alter Musis sacrauerat aedes :  
 Belligerique alter nomina Martis habet :  
 Tu bene coniugio Martem cum Pallade iungis :  
 Te vocat hæc prolem, te vocat ille suam.*

## MVSE HOSPITALES

*Cui dederat Mars ipse manum, linguamq; Minerva,  
O verè hunc fortem, Palladiumq; virum.*

---

*O Qui Pacificum potes appellare parentem,  
Nec non Belligerum qui vocitabís auum,  
Dic, quæso, hoc unum facili concedere roganti,  
An prior es bello, pacis an arte prior?  
Pacis amatorem te nostra Britannia sentit:  
Sentiat armatas altera terra manus.*

---

*In duos eximios principes, HENRICVM  
Walliæ, & FREDERICVM Brunsvicensẽm.*

*Cvm sitis similes, paresq; vita,  
Æquales animis, pares fere annis,  
Princeps optimus, optimusque Princeps,  
Non miror, benè convenire vobis.*

---

*Qvæ virgo infælix propè nulli est nupta marito,  
Accedisti thalamo virgo Minerva tuo:  
Ut tecum Pallas; sic tu cum Pallade, Princeps,  
Vivite fœlici nuptaque, virq; toro.*

---

*Qui tanti, valeo qui te genuerunt parentes? (mul?)  
Num Mars, & Marti iuncta Minerva si-*



## ¶ Collegij Novi descriptio.

**M**usa veni, & dictas post mille & mille salutes,  
 Et post inflexum terq; quaterq; genu, (stra:  
 Excipe: quicquid habet domus hæc spectabile, mon-  
 Sint loca sic digito quæq; notata tuo.  
 Hinc benè dispositos, hospes gratissime, spectes,  
 Quos habet innumeros bibliotheca libros. A  
 Illinc alta gradus ascenditur Aula per illos,  
 Plus ibi pascuntur terq; quaterq; decem.  
 Hanc prope, conspicuis domus est firmata columnis,  
 Hic habitatorem nouimus esse Deum:  
 Hic laudes, cum vesper adest, hic mane, Tonantis,  
 Facundo resonant organa iuncta choro.  
 Illinc claustra iacent, fessi recreamur in illis,  
 Sunt ibi diuersis mœsta sepulchra locis.  
 At tibi, si precibus flectantur numina nostris,  
 Annos mille tibi, sæcula mille dabunt.  
 Hinc habitat tectis \* Custos reuerendus in illis,  
 Heu mihi, quod domino nunc caruere suo.  
 Non illa melior, nec amantior hospitibus ullus,  
 Heu mihi quod causa est imperiosa mora!  
 Hinc illinc, & ubiq; quod aspectatur, ab ipso  
 Unicus erexit Wicchamus ipse solo:

\* Georg  
 Riues, sa  
 Theolog  
 doctor.

# MUSE HOSPITALES

Wicchamus hæc: & erit mihi primus et unicus er-  
Cui referam grates, Wicchamus ille, meas. (go.  
Wicchamus hæc: & par (me iudice) laudibus istis  
Aut nemo, aut tuus est (nobilis hospes) auus.  
Et sic Wicchamicas postquam transiimus ædes,  
Ut dicam, inuito, restat, ab ore, Vale.

**A** Nobis notus quanto excipereris honore,  
Præstitus ignoto cum tibi talis honor?  
Nam licet has nostras peteres non notus Athenas,  
Et foret aduentus nescia fama tui,  
Fuimus indocti, doctiq; imoq; ruebant  
Turba salutantum mixta togata gregi.  
F, dic, hoc falsum est, Ignoti nulla cupido;  
Nam fuit ignoti magna cupido tui.

**C** Arminibus non me superaret Thracius Orphe-  
Funderem in aduentum quæ numerosa tuum, (us,  
Aduentus foret ille tuus si cognitus; ô quam  
Fecunde noster cognitus esset amor!  
Gratantur subitum aduentum schediasmata rapta,  
Nam nè nulla darem carmina, rapta darem.

**Q** Vid tam pauca davis? quid tam mala? plura me-  
Nescitis magnos & meliora viros? (rer  
Scimus:

*Scimus: at hoc multò est melius dare carmina pauca,  
Et mala, tam magno quàm dare nulla viro.*

---

¶ De PRINCIPE Aulam Noui Col-  
legij ingrediente.

**Q***uæ prius Henrico, quæ claruit Aula Iacobo,  
Nunc iterùm Vlrico est nobilitata Duce.*

---

**C***armina, donantum, si non sint muneris instar,  
Inspicias animos, muneris instar erunt.*

---

**V***t tibi, qui viuunt alibi, dent carmina; grata  
Nos aliquid præter carmina, Corda damus.*

---

Φιλίμυ, ὃ ἐχρὸν τῶν αἰμάτων, ἐχρὸν

ἑαυτοῦ ἰδοὶ, τὸ δὲ ἴδω φιλίμυ:

Ἄφελος λίθος ἐστὶ, τίς αὐτοῦ ὃ ἐχρὸν

πᾶς λίθος ἀφελος ἀφελος ἀφελος.

---

Παλαιοὶ ἀμύμονες ἀμύμονες, παλαιοὶ ἀμύμονες

ταῦτα ὃ παλαιοὶ ἀμύμονες, ἀμύμονες, ἀμύμονες.

Ἐμύμονες ἴδω πᾶντες ἀμύμονες ὃ αἰς τῶν ἑαυτοῦ:

ταῦτα ὃ παλαιοὶ ἀμύμονες ἀμύμονες ἀμύμονες.

---

**H***ic sacra Pieridum loca sunt, hîc antra Dearum,  
Anglique hîc etiam sunt Heliconis aquæ.*



# MUSE HOSPITALES

Nomen ubi audieras harum, Celeberrime Prin-  
 Tam notas properas hospes adire domos. (ceps,  
 Qualis, ubi intonsus Parnassum inuisit Apollo,  
 Gratia visenti talis in ore tibi.  
 Si loca doctarum miraris amasq; Dearum,  
 Ipsas, te constat plus adamare Deas.

Fœlix in nostras, dux, ingrediaris Athenas,  
 Nam fœlix ad nos Atticus ipse venis:  
 Ipse colis nostras etiam fœliciter artes;  
 Non decet ut studijs excipiare pijs?  
 Nos amat Henricus; sed tu quoq; charus & illi;  
 O iam mille pijs excipiende modis!  
 Osculaq; ecce tuis pedibus damus, Illius ergo,  
 Et tibi semper erit Vicchama serua domus.

Si canerem Acciacam gentem, tibi gratior essem,  
 Et de nobilibus quæ memorantur auis:  
 Si tamen hausissem totas Aganippidos undas  
 Non potero proavis edere digna tuis.

Ulrico Henricus, Frederico se Fredericus  
 Iungit, & officio gaudet uterq; pari:  
 Principem & amplecti princeps, & sanguine cretū  
 Consimili, simili sanguine cretus, auet.

Æmula

WICCHAMICÆ.

*Æmula sic vobis crescat concordia, quæ nunc  
Papicolûm facta est inuidiosa gregi.*

Υψηλὸν ὄντας ἀντὶ τοῦ χαλεποῦ πολεμίου

Νῦν γὰρ τιμωρίσται,

Εἰς μάστιγι παύει ἀλλεῖς τῆς

Πατρὸς ἀνέχοντος ἁλῆς:

Πατρὶ ἐσθλότερον ἔδωκε, καὶ σὺν ὑπάρκει,

Καὶ πᾶσι τοῖς μάλιστα γ' ἴση.

Ὁ χαμμηλὸς ἀνέχοντος διλήχῃ βροτῆς;

Ὡς καὶ ἄλλος μαδίζωντος.

Ἀκαθαρμολοῖσι καὶ αὐλαμολοῖσι τιμῶς

Ἀρχὸν δυνάει τιμωρίσας.

Τίλος δ' ὕψιστος καὶ βίος οὐ παρτίδω

Μάστιγι δυνάει γὰρ ἰσχυρῆς:

Παύει ἑαυτὸν οὐ γὰρ διδραμολοῖτος ἀσπίδος

Νῦν σφοδρῶς σφοδρῶντος.

¶ HENRICVS IVLIVS ad filium  
suum Fredericum Vlricum.

*M*aiorum, duce patre, libens vestigia pressi,  
Et tu signatas, me duce, carpe vias,  
Seu bello manis, siue exemplaria paci,  
In promptu inuenies hic quod utrinq; voles.

*E*cquid ab excelsis, Dux Illustrissime, tectis  
Wicchamicas ades introiture venis?  
Sic genitor Diuiniq; hominumq; Philemonis olim  
Non dedignatus tecta subire fuit.

Quod

## MVSE HOSPITALES

---

**Q**uod primum in voto sacras sit visere Musis  
Ædes, hoc ab auo num Frederice, capis?  
Julia, namq; tua hîc posuit fundamina primum,  
Atq; operis tanti dux & origo fuit.  
Huius tu Frederice premis vestigia, nempe  
Musas, queis ædes struxerit ille, foves.

---

### ¶ Inuitatio ad BRITANNIAM.

**M**agnus Alexander mundū audiit esse secundū:  
At tu, si venias, Magne, videre potes.

---

### ¶ Inuitatio ad LONDINVM.

**C**onstantinopolin quibus est ea gloria, visunt;  
Tu Londinopolin, par ea fama, veni:  
Scilicet alterius sedes hîc altera mundi,  
Orbis & hîc posita est Aula secunda noui.

---

### ¶ Inuitatio ad OXONIAM.

**O**xoniam multi velut urbem visere gaudent,  
Conspiciam muris, conspicuamq; vijs.

Tu



*Tu magis Oxoniam, musarum cernis ut ædem,  
Conspiciam libris, conspicuamq; Scholis.  
Cerne vel ut similem, vel cerne utramq; ut Idæam,  
Vel quod habes similem, vel quod habere potes.*

Inuitatio ad Collegium W I C C H A M I C V M .

**M** Iraris turres celsas, Collegia celsa,  
Quo quot in Oxonij conspicias vrbe vadi?  
En tibi W W icchamicum hoc inter Collegia primum  
Cuius in externis mentio tanta locis. (ædem,  
W W icchamus hanc posuit Ventanus Episcopus  
Atq; huic Ventana struxit in vrbe parem.  
Quorum vnum geminos decuisset condere Reges,  
Ecce vnus præsul condidit illa duo.

¶ De Peregrinatione.

**A** Ut Sophus aut Princeps peregrinas visito terras  
Hic mores, mentes cernat ut ille virum:  
Illius exemplum prudens ostendit V ysses, :  
Huius & exemplum Legifer ipse Solon :  
Aut hunc aut illum laus est non ampla sequenti :  
Hunc, illum partiter laus tua, Magne, sequi.  
C Nempe

## MUSE HOSPITALES.

**N**empe in Principibus cum sint sing'laria cuncta,  
Sing'lum, aut soliuagum debet inesse nihil.  
Sic potes & mores, & leges ponere quondam,  
Si Princeps hodie sis simul atq; Sophus.

---

**A**ffinis Regi Reginae à stirpe vocaris;  
Affinem puto te moribus esse magis.

---

**S**anguine, iure places Regi, Dux inclyte, nostro,  
Nobilibus vera, Nobilitate places;  
Urbe places, multas Iuuenis quòd videris vrbes;  
Regia quod tot das munera, rure places:  
Sed quamuis alijs placuisti dotibus istis,  
Nobis præcipuè Relligione places.

---

**N**on, tibi quòd proauus clypeo metuendus & hastâ;  
Non, auus insigni quòd pietate fuit;  
Non, pater ingenuas penitus quòd calluit artes,  
Linguarum & clarus cognitione fuit: (mentes  
Non hæc tam nostras, Princeps celeberrime,  
Cuncta mouent; (quamuis hæc quoq; cuncta mouët)  
Quam quòd aui virtus in te, pietasq; relucet,  
Quòd referas proauum corpore, mente patrem.  
Ergo

W I C E H A M I C Æ.

*Ergo age te dignum tam claro stemmate præsta,  
Utq̃ æquas, proauos sic superato tuos.*

---

*Syrmata vidisti viuo suffusa rubore?  
Aduentu fiunt hæc quoq̃ læta tuo.*

---

\* Docto-  
rum pur-  
puram.

*Quòd tantus, tam grata sibi, Germanica liquit  
Arua, sibi nè non visa Britanna forent:  
Dicite (quos æquũ est semper meminisse) Britanni  
Germanam, pietas non sapit ista, Fidem?*

---

*Ornamenta alij, Titulos, vt maxima quærun-  
At tu quod Titulos pulchrius ornat, habes.  
Utq̃ nec ad cytharam Phœbus, neq̃ segnis ad arcum,  
Sed promptâ neruum tendit utrumq̃ manu:  
Sic te nec Docti fugiunt, neq̃ Principis artes,  
Pectore sed spirant cum Ioue Musa tuo.  
Contulit ille aurum, Laurum dedit ista, Coronæ  
Ut geminæ vobis præstet vterq̃ decus.*

---

*Marte potens proauus vicinos terruit hostes:  
Arte valens Musas doctus amauit auus.  
Alter Pacificus dictus, sed Bellicus alter:  
Hic Brunsvicensis Romulus, ille Numa.*



## MVSE HOSPITALES

Quam benè spirat auus, proausq̃ in pectore vestro!  
Nam velut arte vales, sic quoq̃ Marte vales.

---

ET pater & natus linguam didicere Pelasgam,  
Et Suadam Latij novit uterq̃ fori:  
Et pater, & natus musas ornantq̃ fouentq̃,  
Diligit & doctos doctusq̃ vterq̃ viros:  
O patrem dignum nato, natumq̃ parente!  
Nestoris o dignum viuere vtrumq̃ dies!

---

A Edificauit auus doctis Collegia Musis:  
Ornat diuitijs ædificata pater:  
Tu pedibus patrijs hæres pie semper inhære,  
Nè patiaris aui, aut tecta perire patris.

---

O Iuuenis claro numeras qui in stemmate reges,  
Atq̃ animum dignum stemmate regis habes,  
Accipe (sed facilis) musæ munuscula nostræ  
Quæ minimum summi pignus amoris erunt:  
Sic benè in ambiguo conseruet Iupiter almus  
An sit mens maior, Nobilitasne tibi.

---

O Mirum! pugnant, sed in vnâ sede morantur  
Et virtus, tanti Nobilitasq̃ viri.

Nam

Nam neq; Nobilitas virtuti cedere possit,  
 Nec victa est virtus Nobilitate tuâ.  
 Nomine virtutes, nomen virtutibus æquas;  
 Sic tibi perpetuum his dabit ista decus.

Flallimur: æquoreas antardè allabitur undas,  
 Et refluxas Tamulis fortius urget aquas.  
 At puto per ripas (Princeps) te spectat euntem,  
 Et gestit retrò quò licet ipsa sequi.  
 Ergò non Phæbe tantum dominatur in undis,  
 Princeps imperium in flumina Pæbus habet.

Mirabar quare Musis sacrauerat ædes  
 Ille tuus tanto nomine dignus anus.  
 Desine mirari dixit mihi pulchra Thalia,  
 (Sic illa in causas ingeniosa fuit,) Scilicet  
 ut seris res gesta nepotibus olim  
 Virgilium inueniat, Mæonidemq; suum.  
 Cum Musâ Alcides nunc sede habitabit in vna,  
 Alter magna gerens, altera gesta canens.

EXercēs belli regalia munera. Mortem  
 Contendis factis posse referre tuis?  
 Instar Martis obis suscepta hæc munera, pulchro  
 Corpore muneribus conueniente tuis.

## MUSE HOSPITALES

*An magis ad doctas animum diuerteris artes?*

*Exit Apollineus protinus ore sonus.*

*Oxonia hoc sensit, cum, doctâ stante corona,*

*Non expectato solueris ora sono.*

~~~~~  
Ad Principem FREDERICVM Vlricum de  
Papa PAULO Quinto. Et illius anagrammate.

**C**Redi Papa velit sibi Paulus nomine Quintus  
Paulus, cui credis, nomine Primus erat :

*Dicere si fas sit, Princeps Vlrice, sapisti*

*Quod Pauli alterius dogmata nulla sapis :*

*Nam rogo, dum iactat se Pauli nomine Quinti,*

*Nominis istius sic Anagramma feret :*

PAVLVS QVINTVS.

*Quis tu? An lupus?*

~~~~~  
Ad eundem de Anagrammate eodem.

**T**Ransuerso, mores pateant, cum è nomine Papæ  
*Nil tibi cum Romæ gloriore esse lupo.*

~~~~~  
**C**Larus auiq; tui proauiq; es sanguine; quorum  
*Huic Belli, ast illi nomina Pacis erant.*

*An*



.. VVICCHAMICÆ. M

An non omen erat, summum, Generose, futurum;  
Et belli & paciste, Frederice, Ducem?

---

Magnificas quondam Musis donauerat ædes,  
Qui tibi auus (Princeps Magne) paternus  
Quis non te illius dicet de stirpe creatum, (erat,  
Qui iuuenis musas sic Frederice colis?

---

Magnum incrementum Frederici, Maxime, regis  
Magnorum Heroum stirpe, Ducumq; sate,  
Vicchamicæ officium nè dedignere Camænæ  
Quæ te tam paruo munere, Magne, colit.  
Parua quidem sunt hæc, sed quo sis, Maxime, maior  
Hoc capiunt animum munera parua magis.  
Si nisi pro genere & meritis tibi nulla dabuntur,  
Munera, rarus erit, qui tibi dona feret.

---

Qui venis ignotum magnus peregrinus in orbem.  
Te nihil in toto clarius orbe vides:  
Tu spectas orbem, spectat te maximus Orbis:  
Hunc tu miraris, te tamen ille magis.

---

Lætitiæ nostræ, Rege, Henricoq; receptis,  
Addi credideram nil potuisse magis,

Plena

## MUSE HOSPITALES.

Plena videbantur quæ nos concepimus olim  
Gaudia, nec plene plena fuere prius. (multum  
His cum magna forent, cum iam prope maxima,  
Addidit aduentus, Dux generose, tuus. M  
Quod si plena prius, quæ nunc sunt illa futura?  
Gaudia nunc omnem præteriere modum.  
Ultra cancellos, modo quos habuere, feruntur  
More suas ripas egredientis aquæ.

---

Te quod amet Princeps, non est laus ultima, laudes  
Inter, Magne, tuas prima nec esse potest.  
Te quod amet Princeps, non tam nos forsan amamus  
(Sit licet hoc magnum, conspicuumq; decus;)  
Illius quam quod fueris tu dignus amore;  
Virtuti causa hæc est tribuenda tuæ.  
Ergo te Princeps noster populusq; salutat;  
Teq; salutatum nostra Thalia venit.

---

Quod natura dedit pulchrum & spectabile corpus,  
Ecce domus Domino conuenit apta suo:  
Quod sublimem animum dedit, & virtutibus auctum,  
En dominus domui conuenit ille suæ.

Felix

## W I C C H A M I C Æ.

*Fœlix illa domus, dominum quæ continet illum :*

*Fœlix hanc dominus qui colis ipse domum.*

*Ergo & nostra simul fœlicia dicite tecta*

*Quæ dominum ac talem continuere domum.*

---

*T* *Vrgida Neptuni post flumina, suscipe, Princeps,*  
*Pieridum mitis quod tibi præstat Aqua.*

---

*I* *N* *quo singula plena Gratiarum,*  
*Musarum poterit domos adire*  
*Non gratissimus omnium aduenarum ?*

---

*I* *P* *se salutasti Musam, te Musa salutat :*  
*Tu seruam, dominum serua sed illa suum :*  
*Tu Musis, Musæq; tibi decus esse laborant,*  
*Tu, Princeps, Musæ gloria, Musatibi.*  
*Musa quidem certat, sed non quæ vincere sperat :*  
*Esse decus tanto, si queat esse, cupit.*

---

*F* *A* *ma tui nobis, Princeps, prænuncia venit,*  
*Et nondum viso corpore notus eras.*  
*Crede, & parce mihi, potui vix credere famæ*  
*De te tam lautè cuncta locuta fuit :*  
*At simulatq; ipsi præsentia vidimus ora,*  
*Quam de te visa est fama maligna loqui !*

*D*

*Auris*



## MVSE HOSPITALES

*Auris sic aliquem tibi conciliauit amorem:  
Quantus at \* ex oculis ortus & auctus amor!*

\* in te igitur  
24741474 1283.

*EN iactant alij magno se stemmate natos,  
Fidq̃ sibi laudis satq̃ superq̃ putant.  
Magna quidem laus est fateor de Principe nasci,  
De magno fieri sanguine magnus honor:  
Ast ubi virtutes simul accessere beatæ,  
Et musa sacros applicuere sinus,  
Heu quanto magnâ maior tua gloria fiet!  
Maiori quanto dupla, redupla magis!  
Digne & docte Vlrice tuas mea carmina laudes  
Spectant, te spectat Musa, tuumq̃ decus,  
Qui ut patrio verè laudaris sanguine, sic tu  
Virtute in propriâ dignus amore tuâ:  
Te pater, & patrem tu, utrumq̃ relaudat uterq̃:  
Tam benè moratus, tam benè natus eras.*

*HOSPITIBUS veteres soliti dare munera Graij:  
Sic quoq̃ & hospitibus gens sumus Angla pij.  
Donatum Musæ dimittunt carmine; sed te  
Dotatum xenijs Principis Aula suis.*

*DElate in nostras Princeps feliciter prius,  
Nec minus in nostram iam Frederice domû,  
Quo*

## WICCHAMICÆ.

Quo tibi præfenti xenio gratulabimur Hospes?

Quódue tibi munus Musa repentè dabit?

Excipimus portis, Princeps generose, reclusis;

Pectora sed longè crede reclusa magis:

Atria lata vides; quæcunque sed atria cernis

En laudes credas tota patère tuas:

Aulam si ascendas, gratum saluere iubebit,

(Adde sonum lapidi) Wicchamus ipse pater:

Quod si templa petas, quis templo gratior unquam,

Quam qui templa piæ religionis amas?

Bibliotheca tibi visa est? hic nota librorum

Fam gestit faciem turba videre tuam.

Quocunque incedas, videas quæcunque, salutem

Optabunt arces, mœnia, templa, tibi.

---

**H**Æc tibi festinans peperit quæ carmina Musa,

Horrida, & orba suo lumine, cæca vocas?

Unum cum sapiant, equidem non miror, Amorem;

Scilicet à cunctis cæcus habetur Amor.

Sed tamen, ut cæcus, videt in te Principe tanta

Ut iam sit mutus, non modo cæcus, Amor.

---

**C**Ogito multa, nec est quid nō laudabile, Princeps,

Siue ego te, stirpem cogito siue tuam.

## MVSE HOSPITALES

*Dat sincera patri pietatis Gloria nomen :  
Dat proauo Martis gloria ; Pacis auo :  
Hæc tot tanta tibi, Princeps, dent singula nomen ;  
Scilicet, antè trium quod fuit, vnus habe.*

---

(Princeps)

*A Ccipe Wicchamici gregis hæc quæ carmina  
Sacrat in aduentum læta camæna tuum :  
Vix bona, rapta breui sint tempore, carmina, solus  
Sed bonus est, inter tot mala, Dantis Amor.*

---

*¶ Ad FREDERICVM 2<sup>um</sup> Daniæ Regem  
de Serenissimis Principibus, eius nepotibus;  
HENRICO FREDERICO Walliæ, &  
FREDERICO VLTRICO  
Brunsvicensi.*

---

*E N gemina hîc, Frederice, tua de stirpe propa-  
Sanguine nata tuo, nomine nota tuo. (go  
Fœlix qui tales potuisti gignere natas ;  
Quæ tantos poterant progenuisse viros.  
Non vno in sæclo, his, pepererunt omnia regna,  
Aut vno in regno sæcula cuncta, pares.*

---

*C Vltiores Sophiæ quæd nos, Frederice, salutes,  
Nil mirum, Sophiâ stirps generosa sata es.*

*Flla*



## W I C C H A M I C Æ.

---

**I**lla hodiè monumenta manent virtutis auitæ,  
Mœnia Pacificus quæ statuebat auus :  
Pieridum inuisis, Dux, hîc & suspicis ædes :  
Viuere, te uiuo, quis dubitabit auum ?

---

**E**Xcipit hospitio te Academia læta, vicissim  
Excipe tu Hospitio carmina nostra tuo.

---

**T**u quod honoratis clarus virtutibus audis  
Et quia tu nobis Regius hospes ades,  
Carminè in aduentu te nos excepimus isto ;  
Carmen habes quoniam carminè digna facis.  
Tam propè at Henrico quia nostro sanguine iunctus  
Hospes ab Henrico principe missus ades.  
A nobis aliquid capias iam carminè maius,  
Fungitur en Musis officiosus amor.

---

**T**eda videre potes, spectasq; hæc nostra : dolendum  
Hoc uno, quod non corda, videre potes.

---

**H**æc tibi quæ longum nostri testetur Amorem,  
Carmina sacramus tempore facta breui.

---

FINIS.

---

